

**AWIG – AWIG
DESA ADAT BANGUNLIMAN**



**DESA BURUAN
KECAMATAN BLAHBATUH
KABUPATEN GIANYAR
KODE DESA ADAT : 05.026.0571**

DAGING LAN PITEGES SELOKA / SASANTI
DESA ADAT BANGUNLIMAN

- | | |
|-------------------------------|--|
| 1. Warna Kuning, mapiteges | : Kelanduhan Jagat. |
| 2. Sebeh Segi Lima, mapiteges | : Panuntun Krama Madasar Pancasila. |
| 3. Candi Bentar, mapiteges | : Seni Budaya. |
| 4. Padi Lan Kapas, mapiteges | : Kesukertan Jagat. |
| 5. Ante, mapiteges | : Pangiket Krama. |
| 6. Pasepan, mapiteges | : Sinar Kesucian Agama Pinaka
Panuntun Krama. |
| 7. Gajah, mapiteges | : Ketatwanig Desa Adat Bangunliman. |
| 8. Ong Kara, mapiteges | : Ida Sang Hyang Widhi Wasa. |

Seloka :

“ EKA JAGADHITA PRAJA DHARMA NITI ”

Teges Ipun :

“Tuntunan Agama Pinaka Sesuluh Krama Rikala Ngertiang Sukertaning Jagat ”

PIDAGING
MAKA BANTANG AWIG-AWIG
DESA ADAT BANGUNLIMAN

Widang :

MURDDHA-CITTA

SARGA	I	ARAN LAN WEWIDANGAN DESA	
1.			
SARGA	II	PATITIS LAN PAMIKUKUH	
1.			
SARGA	III	SUKERTA TATA PAKRAMAN	1.
	Palet 1	Indik Krama	2.
	Palet 2	Indik Dulun/Prajuru Desa	2.
	Palet 3	Indik Kulkul	7.
	Palet 4	Indik Paruman	8.
	Palet 5	Indik Druwen Desa	9.
	Palet 6	Sukerta Pamitegep	10.
		Kaping 1 Karang, Tegal Lan Carik	10.
		Kaping 2 Pepayonan	11.
		Kaping 3 Wewangunan	12.
		Kaping 4 Wewalungan	12.
		Kaping 5 Bhaya	13.
		Kaping 6 Panyanggran Banjar	13.
SARGA	IV	SUKERTA TATA AGAMA	14.
	Palet 1	Indik Dewa Yadnya	14.
	Palet 2	Indik Rsi Yadnya	18.
	Palet 3	Indik Pitra Yadnya	19.
	Palet 4	Indik Manusa Yadnya	23.
	Palet 5	Indik Bhuta Yadnya	24.
SARGA	V	SUKERTA TATA PAWONGAN	26.
	Palet 1	Indik Pawiwahan	26.
	Palet 2	Indik Nyapihan	28.
	Palet 3	Indik Sentana	31.
	Palet 4	Indik Warisan	32.
SARGA	VI	WICARA LAN PAMINDANDA	33.
	Palet 1	Indik Wicara	33.
	Palet 1	Indik Pamidanda	34.
SARGA	VII	NGUWAH-NGUWUHIN AWIG-AWIG	35.
SARGA	VIII	PAMUPUT	35

MURDDHA CITTA

AUM, OM

Om Swastyastu, Om Awighnamastu Nama Sidham.

Putusing Pasaban Krama Desa Adat Bangunliman Gumawe Awig-Awig Desa Pakraman maka sapat siku-siku pamatut, wastu kasidan prayojanan mami kabeh prasama angidep mwah amanggehang kadi lingging Awig-Awig iki.

SARGA I

ARAN LAN WEWIGANGAN DESA ADAT

Pawos 1

- (1) Desa Adat puniki mawasta Desa Adat Bangunliman.
- (2) Jebar kakuwub wedangannya mawates nyatur :
 - a. Sisih Wetan, Desa Adat Buruan.
 - b. Sisih Kulon, Tukad Petanu.
 - c. Sisih Lor, Carik Subak Kutri lan Carik Subak Kedangan Wanayu Mas
 - d. Sisih Kidul, Carik Subak Umadesa lan Subak Klawanan.
- (3) Desa Adat Bangunlimanpuniki kawangun antuk Karang Desa miwah Karang gunakaya sane wantah tunggil Banjar.

SARGA II

PATITIS LAN PAMIKUKUH

Pawos 2

Desa Adat Bangunliman ngemanggehang pamikukuh minakadi:

- a. Panca sila.
- b. UUD 1945
- c. Perda. TK. I Bali Nomor 06 Tahun 1986.
- d. Tri Hita Karana, manut sadacara Agama Hindu.

Pawos 3

Luir patitis Desa Adat Bangunliman :

- a. Ngerajegang Sang Hyang Agama, majalaran antuk astiti bhakti ring Ida Sang Hyang Widhi Wasa.
- b. Ngeraketang pasikian kramane, ngamanggehang rasa tulung tinulung lan negtegang susila tata karma saking sinar kesucian Agama.
- c. Ngrajegang kasukertan Desa saha pawongannya sakala niskala manut ring Catur Purusha Artha.

Sarga III.....

SARGA III
SUKERTA TATA PAKRAMAN

Palet 1

Indik Krama

Pawos 4

(1) Sane kabawos Krama Desa Inggih Punika :

Jadma sane magama Hindu, Ngamong karang sajeroning palemahan Desa Adat Bangunliman.

(2) Sajabe punika sinanggeh Tamiu.

Pawos 5

Krama Desa wiadin Banjar wenten petang pawos minakadi :

- a. Krama Pengarep, teges ipun Jadma ngamong Karang.
- b. Krama Pangele, teges ipun Jadma sane tan ngamong Karang.
- c. Krama Tapukan, inggih punika Jadma sane ubuh katinggal Meme Bapa sadurunge antes ngayah.
- d. Krama Balu, inggih punika Krama sane katinggalin seda olih lanang utawi istrinyane.

Pawos 6

Tatagenan Krama Desa luire :

- a. Krama Pengarep keni ayahan miwah papeson mamungkul.
- b. Krama Pangele keni ayahan lan papeson pateh kadi Krama Pangarep.
- c. Krama Tapukan luput ayahan miwah rerampen, kemawon pedagingan mamungkul.
- d. Krama Balu keni ayahan asibak miwah papeson mamungkul.

Pawos 7

Ngawit dados Krama Desa Adat Bangunliman:

- a. Sangkaning ngamong Karang utawi Pecatu.
- b. Mawiwit Pawiwahan.

Pawos 8

Panamayan tedun makrama Desa Adat :

a. Warga.....

- a. Warga Desa Adat yaning sampun marabian, sesampun Buda Kliwon Pahang (Pegat Uwakan) saking Upacara Pawiwahannyane/panbiyakalannyane patut tedun ngayah ring Krama Desa Adat/ Banjar.
- b. Krama Desa Adat yening sampun marabian sekadi munggah ring ajeng, yaning waduwe Oka adiri tur sampun marabian patut Okannyane kadadosang ngentosin ayahnyane.
- c. Krama Desa Adat sane kantun marabian yaning waduwe Putra Lanang lintang ring adiri tur pada marabian patut tedun ngayah sajawaning sane kaserahan ayah Tua.
Yaning sane kaserahan ayah Tua punika padem, irerame kadadosang ngidih ayah ring Putrannyane sane durung marabi.
- d. Yaning wenten Krama Desa Adat sane putung kapatutang ngangkat sentana, yaning tan maduwe sentana kapatutang antuk Parareman Krama Desa Adat.
- e. Krama Desa Adat polih luput ayah sajawaning patus yaning sampun mayusa Nem dasa tiban.
- f. Krama sane Ile, Buduh, Buta, Rumpuh Sane sampun marabian ayahan lan pepeson pateh sekadi warga balu.
- g. Krama sane, bongol, bega sane sampun marabian ayahan lan pepeson, marep.
- h. Krama Tapukan tedun ngayah asibak yaning sampun mayusa 17 warsa prade durung marabian.

Pawos 9

Yaning wenten Tamiu sakuwuban Desa Adat, kapatutang mamuat Ilikita tur sang nampi tamiu mapiuning ring Prajuru.

Pawos 10

Yaning wenten Jadma lian Desa tur nganut Agama Hindu sesampune tigang sasih suwen ipun tur sampun ngarangin kalih netep magenah, kadadosang tedun makrama. Menawi tan sida mematu-matu keuwehin naur jinah nyabran sasih manut pararem.

Pawos 11

Yaning wenten Tamiu sane sampun marabi magenah numpang, ring sakuwuban Desa Adat suwen ipun wenten asasih, patut itamiu punika naur dana manut pararem, rauh polih pangaum kabancaran, nanging tan pulih pangayoman sakadi krama Desa Adat.

Pawos 12.....

Pawos 12

Prade Tamiu tan nganutin swadarmaning tamiu, sane maduwe tamiu punika kasisipang olih Krama Desa sakuweh sane patut katawur olih itamiu.

Pawos 13

Yaning Wenten Tamiu ngalinting sane wenten pakadangan, suwenipun lintang ring asasih patut nyabran sasih naur dana ring Krama manut pararem.

Pawos 14

Tamiu sane tan nganutin sima lan dresta sane sampun kasinahan ring Awig-Awig tur kamanggehang ring Desa Adat, nenten polih pangayoman ring sakuwuban Desa Adat.

Pawos 15

Krama sane magingsir makrama nenten polih padruwen Desa.

Pawos 16

Krama Desa Adat sane magingsir ring sewosang wewidangan Desa,. yaning malih mawali dados Krama Desa patut katerima antuk manah suci nirmala, turmaning krama punika kapatutang naur pamopog akuwehnya sakadi ring sor: :

- a. Prade patilare sakeng pituduh Guru Wisesa, keni pemopog 75 kg Beras
- b. Prade patilare antuk manah ngeraga, keni pemopog akuwahnya manut prabya sahanan wewangunan sane sampun kalaksanayang ngawit patilarnya..

Pawos 17

- (1) Krama sane marabi kadura Desa tur mawali malih saha anak alit, yan sampun sah palas marabi patut tedun makrama.
- (2) Yan wenten kulawarganya nunas pianaknyane kaangkat anggon oka, pamargine tan katedunanang makrama.

Pawos 18.....

Pawos 18

Krama Desa sane kantun masakolah luput ring ayah-ayahnya, risampun masadok ring prajuru minakadi parindikan kawentenannyane.

Pawos 19

- (1) Prade wenten Krama Desa Adat sane ngapin putung, kadadosang wusan makrama sesampune puput atiwa-tiwa.
- (2) Prade pacang nunas ayah patut masadok ring prajuru saha maduluran tategenan mangda wenten silih tunggil kulawarganya sane pacang nyanggra pamretekana sawa inucap.
- (3) Prade sang kapatutang tan prasida ngalaksanayang atiwa-tiwa Krama Desa Adat Patut muputan pamretekanya sakewenten sahanan padruwen krama inucap dados kakuasa olih Krama Desa.

Pawos 20

Wusan dados Krama Desa :

- a. Sangkanin pinunas ngaraga manawi kesah kadura Desa utawi nglangkungin segara
- b. Kanorayang duwanin sampun tan prasida ngesehang solah, maprawerti stata mamurug kecaping awig-awig.
- c. Sang wusan makrama patut ngaturang karang ayahan Desa, yaning sinalih tunggil kulawarganyane tan kayun ngayahin karang ayahannyane, tur tan polih pah-pahan sangkaning padruwen Desa.

Palet 2

Indik Dulun/Prajuru

Pawos 21

Desa Adat kaenterang olih :

Bandesa Adat.

Pawos 22

Bandesa Adat kesangga olih :

- a. Patajuh /Pangliman pinaka Wakilnya.
- b. Panyarikan pinaka juru surat.
- c. Patengen pinaka pangamong druwen Desa.
- d. Kasinoman pinaka juru arah.

Pawos 23.....

Pawos 23

- (1) Prajuru Desa Adat sajawaning kasinoman kagentosin nyabran limang warsa, sajawaning wenten paindikan tios, tur dados kacatri/kasudi malih.
- (2) Kasinoman akehnya manut kawigunan saha magilir nyabran asasih.

Pawos 24

Sejeroning ngenterang kasukertan niskala Bandesa mingsinggihan para Sulinggih lan Pemangku Kahyangan Desa.

Pawos 25

- (1) Sane kacatri dados prajuru inggih punika :
 - a. Krama sane sampun sah tur netep jumenek ring Desa Adat Bangunliman.
 - b. Uning ring pariindikan Agama miwah Adat.
 - c. Uning nyurat utawi ngwacen Aksara Bali utawi Latin.
 - d. Kaadegang malarapan kacatri ring sa jaroning paruman.
- (2) Prajuru sane kacatri madewa saksi ring pura Kahyangan Tiga sane kamargiang olih Pemangku Kahyangan Tiga.

Pawos 26

Swadarmaning Bandesa Adat:

- a. Ngenterang palaksanaan sadaging Awig-Awig.
- b. Nuntun tur ngenterang Krama rauhing warga desa ngupadi manut patitis.
- c. Mawosin kalih niwakang pamutus marep ring wicara krama/warga Desa.
- d. Maka duta. Desa matemung bawos ring sapisira ugi.

Pawos 27

Patias utawi olih-olihan Prajuru:

- a. Luput rerampen utawi pepeson.
- b. Polih tanding tengah.
- c. Patias tiosan manut pararem.

Pawos 28.....

Pawos 28

- (1) Prajuru utawi Dulun Desa kagentosin riantukan :
 - a. Seda.
 - b. Kanorayang duwaning iwang pamargi utawi nilar sesana.
 - c. Wit saking pakayun utawi pinunas ngeraga.
- (2) Ngentosin Prajuru patut sajeroning paparuman tur kaingkupin olih Krama Desa.

Palet 3
Indik Kulkul
Pawos 29

- (1) Kulkul ring Desa Adat Bangunliman wenten mah tiga, luire :
 - a. Kulkul pa jenengan.
 - b. Kulkul Desa Adat/Banjar.
 - c. Kulkul sekaa-sekaa.
- (2) Pamargi sane patut kacihnayang antuk suaran kulkul :
 - a. Kulku pa jenengan patut kasuarayang ritatkala Ida Bhatara tadun ngantos katurang pangarerebon. rikalaning ngaturang piodalan ngantos nyineb.
 - b. Kulkul Desa Adat patut kasuarayang ritatkala parum, sangkap, ngalaksana - yang karya saluirin karya miwah cihna tiyosan.
 - c. Kulkul ring ajeng kasuarayang manut kawentenannyane.
- (3) Tabuh Tatepakan Kulku :
 - a. Kuikul pajenengan, Nungtit bamban tenggeran Upakara Yadnya ring Desa Adat.
 - b. Kulkul Desa Adat :
 - (1) Kulkul kalayusekaran, kalih tuludan bamban : tenggeran kelayusekaran Krama Desa sane sampun Duwur / lingsir, miwah Tigang Klentungan tenggeran kalayusekaran anak rare.
 - (2) Kulkul Pawiwahan : Atuludan gancang.
 - (3) Kulkul cihna wenten rare embas : limang klentungan.
 - (4) Kulkul Ngolaksanayang kekaryan, ngayah ring Khayangan : kalih tuludan bamban.
 - (5) Kulkul ngawangdeang Karya : Atuludan bamban.
 - (6) Kulkul Gani Bhaya : Patang Tuludan Bulus.
 - (7) Kulkul Arta Bhaya miwah Jiwa Bhaya : Kalih Tuludan Bulus.
 - (8) Kulkul Kepanca Bhaya : Tigang Tuludan Bulus.

(9).....

(9) Kulkul Cihna Surya Grera miwah Bulan Kepangan : Nungtit Bamber.

Pawos 30

- (1) Kulkul Desa Adat tan wenang kasuarayang yaning tan sangkaning pituduh Prajuru, sajawaning tenggeran bhaya.
- (2) Sang Nepak tan sangkaning pituduh patut digelis atur supeksa mantuk ring Prajuru maka buatan panepake, yan tan asapunika sang mamurug kedanda manut pararem.
- (3) Kulkul Sekaa-sekaa tan kalugra nyawurin utawi matehang tenggeran Kulkul Desa, prade mamurug kedanda manut pararem.
- (4) Yaning wenten pasuaran kulkul bhaya ring desa tiosan patut Krama Desa Adate nyawurin pasuaran kulkul inucap.
- (5) Krama Desa Adat patut ngawerdiang utawi mamiara sahananin kulkul
- (6) Kulkul pajenengan patut kasuarayang olih Pamangku utawi Prajuru.
- (7) Ritatkala ngalaksanayang Pujawali ring Khayangan Desa lan Makiyis. Krama dados nyuarayang Kulkul nungtit bamban.
- (8) Krama sane nepak Kulkul. tan manut sakadi tenggeran ring ajeng patut kadanda manut pararem.

Palet 4
Indik Paruman
Pawos 31

- (1) Sabha Desa Adat wenten kalih pawos, minakadi :
 - a. Paruman/Samua, inggih punika :Paruman sane. kawentenin napkala tur tan dados ngawakilan/ kasade.
 - b. Sangkep inggih punika : Paruman Desa sane tetep panemayane turmaning dados kawakilin/ kasade
- (2) Paruman luih ipun:
 - a. Paruman Krama Desa Adat.
 - b. Paruman Dulun/ Prajuru Desa.
 - c. Paruman Sekaa-Sekaa.

Pawos 32

- (1) Sapasira ugi cadok ring silih tunggil peparuman patut kasisipan agung alitnyane manut pararem.
- (2) Sane kadadosang mapuwangkid ring paruman seantukan kapialang, luih ipun:

a.

- a. Sungkan.
- b. Matepetin.
- c. Kapademan.
- d. Makarya suka duka.
- e. Memakuh.
- f. Ngerabin miwah keluasan yaning sampun mesadok ring Prajuru.
- g. Ngalaksanayang swadarmaning Krama.

Pawos 33

- (1) Ritatkala pacang Parum, Krama Desa kapatutan nganggen busana adat madya.
- (2) Kamanggala antuk tenggeran suaran Kulkul.
- (3) Tan maren ngarcana ring Ida Bhagawan Panyarikan maka serana Widhi Widhana Cane.
- (4) Tan kalugra ngawetuang suara gora, wakpurusya utawi ngawe biota, prada mamurug keni pamidanda beaya Pacamil manut pararem.
- (5) Paruman wawu dados kamargiang yaning Krama Desa Adate sampun ngerauhin sekirang-kirangnya kalih pah tiga sakeng Krama sami.
- (6) Pamutus Paruman kabawos rajeg manggeh dados pararem yan sampun kacumponin olih lintangan ring atenga sakeng sang ngamiletin paruman.
- (7) Prade Pidaging Paruman tan keingkupan mangda Prajuru ngilikang bebaos saha pamutusnya mangda keraremin antuk Krama Desa. Bilih tan prasida kasungkemin jantos ping tiga, Dulun/Prajuru Desa nunas bawos ring sang ngawawenang.
- (8) Pamutus Paruman Desa sinanggeh pararem maka pamitegep Awig-Awig.

Palet 5 Indik Druwen Desa Pawos 34

Padruwen Desa Adat luire:

a. Kahyangan sane wenten sajroning Desa Adat:

- (1) Pura Desa/ Bale Agung.
- (2) Pura Puseh.
- (3) Pura Dalem.
- (4) Pura Catur Muka.
- (5) Pura Praja Pati.
- (6) Pangulun Pangkung.

b.

b. Padruwen Desa sejawaning Kahyangan :

- 1) Gambelan/ Gong.
- 2) Bale Banjar.
- 3) Wantilan.
- 4) Karang Ayahan Desa.
- 5) Setra-setra : Setra Pangarep lan Setra Pakingsan.
- 6) Padruwen Desa tiosan

Pawos 35

- (1) Saluwirin Druwen Desa patut wenten Ilikitanya.
- (2) Tan ngadol utawi ngesahang padruwen Desa yan tan kalugra kasungkemin olih Krama Desa.
- (3) Padruwen Desa sane marupa Setra Pangarep wantah genah mendem sawan Krama.
- (4) Krama Desa patut nitenin tur mariktiaksayang druwen Desa sami.
- (5) Yaning wenten druwen Desa sane ical nanging tan wenten sane ngangken ngambil, patut ngawentenang padewa saksi.
- (6) Bilih druwen Desa ical sapesire sane mamandung keni danda manut pararem saha ngawaliang pandangan inucap.
- (7) Piolihi-olihi druwen Desa luih ipun : Piolihi sakeng urunan, sakeng guru wisesa, usaha Desa miwah piolihi siwosan sane patut.

Palet 6

Sukerta Pamitegep

Kaping 1

Karang, Tegal lan Carik

Pawos 36

- (1) Tanah pakarangan Desa Adat utawi Tanah paumahan mapipil patut kaayahan.
- (2) Yaning wenten sinalih tunggil Krama Desa pacang nimbalang Tanah pakarangan Desa patut polih uwak-uwakan sakeng warisnya tur pamutus Krama Desa.
- (3) Sehananin wewidangan karang, tegal lan carik sane wenten ring wewidangan Desa Adat kapatutang :
 - a. Wenten wates ipun minakadi Karang magaleng kaluwan carik lan tegal manut dresta.
 - b. Mapamedal karurung utawi kamargine, nenten wenten kabengbeng.

C.

- c. Patut kawehin sombah/ nenten embet.
 - d. Sahananing karang, tegal lan carik kapatutang mawiguna saha tan ngawinang kaduhkitan anak tiosan.
- (4) Wates karang ring ajeng dados nganggen tembok utawi papagehan. Sane sisi Kangin miwah Kaler kakaryanin antuk sang madruwe karang. Sawireh mawasta megaleng kaluwan manut kadi ring ajeng.
 - (5) Yan pacang makarya jempeng, kandang wawalungan miwah genah majemuhan busana, tan dados nampek ring Parahyangan, Marajan utawi Pura. Paembangnyane pinih akidik adepa agung (2 m). Semalih piranti-piranti patut kapiara ngantos tan makanten kawon utawi ngametuang letih.
 - (6) Krama desa tan kalugra ngalah-alah tanah pakarangan, tegal, carik padreben anak tios utawi desa, linggih kahyangan, margi, setra miwah sane tiosan.
 - (7) Prade wenten krama malaksana kadi ring ajeng katiwakang pamatut minakadi :
 - a. Ngewaliang tanah sane kalah-alah.
 - b. Nguwehing prabya sane patut.
 - c. Keni pamidanda manut pararem.
 - d. Maweweh sangaskara prade ngalah-alah linggih suci.
 - (8) Yaning wenten telajakan karang patut kapiara antuk sang maduwe, kadagingan tetanduran sane ngemedalang keasrian wewidangan.
 - (9) Tan kelugra ngentungan luhu ke pekarangan anak tios, margi miwah tukad.
 - (10) Tan kalugra ngentungan wangken wewalungan lan ubuh-ubuhan tiosan, ka pekarangan Krama tiosan, margi, rurung, lan tukad.

Kaping 2
Pepayonan
Pawos 37

- (1) Ngawit nandur pepayonan tanem tuwuh patut adepa agung (2 M) nga jeroang saking wates pakarangan.
- (2) Yaning wenten pepayonan sane ngungkulin bilih-bilih ngarawuhang bhaya ring parahyangan utawi paumahan anak tios, patut kapademan utawi sanitannya kasepat gantung.
- (3) Sang sane rumasa ka jerihan patut mapaiguman ring sang madruwe pepayonan mangde sang madruwe pepayonan punika notor utawi ngarebah.

(4).

- (4) Prade sang madruwe popayon tan kayun notor/ngarebah, sang rumasa kajerihan patut masadok ring prajuru saha prajuru risampune nitenin patut nitahang sane madruwe notor utawi ngarebah
- (5) Prade sang madruwe tan kayun notor utawi ngarebah patut katurang ring sang ngawiwenamg.
- (6) Yaning Wenten pepayonan ebah wiadin empak malarapan antuk ganjih, berek, ninggil antuk angin baret tur nepen wewangunan ngantos rusak, sang madrebe pepayonan punika patut negen prabya wewangunan miwah pamrayascita pakarangan.
- (7) Ritatkala ngebah utawi notor papayonan raris mayanin wangunan anak lian, sang ngebah utawi notor punika keni prabya sakancan karusakan miwah prabya upakara pamrayascita.

Kaping 3
Wewangunan
Pawos 38

- (1) Yaning ngewangun patut masadok ring prajuru, kaping ajeng prade wewa - ngunan punika ngeninin wates, mangda tan jantos ngayubin kapisaga taler nganutin pituduh sang ngawe rat.
- (2) Prade wewangunan nyantos nyayubin bilih-bilih temboke ring telenging wates, risampun kawara tur kasadokang ring prajuru wenang kadanda manut pararem saha tembok punika kagubar utawi sanistane kakaryanan abangan.

Kaping 4
Wewalungan
Pawcs 39

- (1) Sehananin krama sane mamiara wawalungan luih ipun : Banteng, Kambing, Bawi, miwah sane siosan, patut sayaga negul wiadin ngalogor mangda nenten ngarusak karang utawi pabianan anak tiosan, bilih-bilih ngranjing ngaletahin parahyangan.
- (2) Prade wenten wewalungan malumbar ngarusak pakarangan wenang kataban tur risampun kataban patut nawur panebas papiaran tetabanan manut pangelokika.
- (3) Prade wewalungan ngeranjing ring kahyangan, sang madruwe, kasisipang antuk danda manut pararem saha upacara panyangaskara.
- (4) Tan wenang negulang wewalungan ring genah sakadi ring sor:

a.

- a. Parahyangan.
 - b. Margi.
 - c. Pakarangan lan telajakan Desa.
 - d. Setra.
- (5) Krama Desa patut nyanggra kawerdian wewalungan, sarwa prani, tan kapatutang maburu paksi, nuba ulam miwah sane siosan. Prade mamurug keni pamidanda manut pararem.

Kaping 5
 Bhaya
 Pawos 40

- (1) Sane kabawos bhaya luire:
- a. Jiwa bhaya, inggih punika kaamuk lan sane tiosan.
 - b. Artha bhaya, inggih punika ; kamalingan.
 - c. Geni bhaya, utawi Toya bhaya, inggih punika : puwun miwah belabar.
 - d. Lindu bhaya, inggih punika bhaya sangkanin linuh.
 - e. Raja bhaya, inggih punika kapandangan utawi kaplagandang.
 - f. Dura cara, ring Agama.
- (2) Warga Desa yaning uning ring jadma sane pacang malaksana dusta patut digelis matur supeksa ring prajuru.
- (3) Sang manggihin kahanan bhaya, patut nyuarayang kulkul utawi sang ka - pandangan masadok ring prajuru/ sang ngawiwenang sane pacang nimbangan tur mutusang parindik dusta inucap.
- (4) Prade wenten anyudang ombak patut nyuarayang kulkul saha katedunan antuk sahanan krama.
- (5) Sang dura cara ring Agama kadanda manut pararem.

Kaping 6
 Panyanggran Banjar
 Pawos 41

- (1) Krama Desa kengin nunas panyanggran Banjar sajroning ngawangun upacara Panca Yadnya.
- (2) Panyanggran Banjar makacihna pakaryan utawi artha brana tur kamargiang manut pararem.
- (3) Krama Banjar katuran panguingu manut ageng alit kekaryane.

Sarga.

SARGA IV
SUKERTA TATA AGAMA
Palet 1
Indik Dewa Yadnya
Pawos 42

- (1) Parahyangan Panyiwian ring Desa Adat Bangunliman wenten sakadi ring sor puniki:
 - a. Pura Desa.
 - b. Pura Puseh.
 - c. Pura Dalem.
 - d. Pura Praja Pati.
 - e. Pura Catur Muka.
 - f. Pangulun Pangkung.
- (2) Indik aci/Piodalan ring Pura amongan Desa Adat Bangunliman kapitages antuk Dulun uta Prajuru Desa Adat manut pararem. Nanging kautsahayang nyabran warsa mangda piodalan sapatute.

Pawos 43

- (1) Mungwing rahina piodalan pura-pura inucap inggih punika:
 - a. Pura Desa, ring Purnamaning Kadasa.
 - b. Pura Puseh, ring Anggara Kasih Medangsia.
 - c. Pura Dalem, ring Purnamaning Kapat nemoning Pasah.
 - d. Pura Catur Muka sareng ring Pura Desa.
 - e. Pangulun Pangkung, ring Tumpek Landep.
- (2) Nyabran Karya Patoyan/Piodalan ring Pura amongan Desa Adat, patut rawuh kapura makadi ring sor puniki :
 - a. Krama Desa Adat Bangunliman patut ngaturang ayah sadurung puput pawalane tur muputang pailen-ilen piodalane.
 - b. Taruna-taruni patut ngayah ring Pura manut piteges Dulun/Prajuru Desa Adat.
 - c. Rikala rahina piodalan punika patut Krama Desa Adat rawuh tangkil muspa utawi ngaturang canang manut dresta tata kramaning ka Pura.

Pawos 44

Sakaluiring pangaci ring pura inucap nista, madya lan utama, karinancana - yang antuk Pemangku soang-soang, kasarengin olih prajuru tur kasumang-gemin olih krama Desa Adat.

Pawos 45.

Pawos 45

- (1) Sane tan dados ngeranjing ka Pura Luire :
- Sang sane kacuntakaan.
 - Sang keni sungkan ila.
 - Jadma buduh, bebinjat, anak alit sane durung kaupacarain.
 - Makta sahanan barang sane sinanggeh ngaletihin.
 - Mabusana tan manut kadi tata cara ngeranjing ka pura.
 - Sadurung polih uwak-uwakan prajuru.
- (2) Sapisire sane mamurug patut keni pamidanda upakara pamarisuda Pura tur kadanda manut pararem.

Pawos 46

Sajeroning panyengker pura tan kapatutan:

- Mabacin.
- Mawarih.
- Masanggama.
- Masalin wastra/nyangsang busana.
- Malalung.
- Ngambahin rambut.
- Manemah/mamisuh.
- Majaljal/marebat.
- Mabawos bangras sane ngawetuang biyuta.
- Macecepin anak alit.
- Mamunyah.
- Majejuden.
- Menek/pelinggih, panyengker pura yaning tan polih panugran saking prajuru.
- Wewalungan suku papat sa jawaning anggen upakara yadnya utawi rikala. mapapada.
- Makta tulang, rambut lan tanah setra.
- Miwah sane siosan sinanggeh ngaletihin.

Pawos 47

Sapisire sane mamurug ring uger-uger sane kabawos ring ajeng p patut kasisipang manut pararem.

Pawos 48.

Pawos 48

- (1) Macoran/masumpah sane malarapan saking wicara yaning kaupasaksi ring pura sang keni sumpah patut kadewasaksiang riin manut dudonan sang masunpahan punika.
- (2) Sehananing prabya pasumpahan patut katawur olih sane ngawit wicara.

Pawos 49

- (1) Ritatkala rerahinan Sugihan, Galungan miwah Kuningan, karma Desa Adat patut ngaturang wangi ka Pura Kahyangan Tiga.
- (2) Nyabran Galungan krama Desa Adat patut mamenjor jangkep saha pala gantung, pala bungkah miwah nganggen sampian saha sanggah penjor.
- (3) Penjor Galungan katanceban sadurung Buda Kliwon Dungulan (ngawit Penampahan Galungan semeng) tur kaancit ring rahina Buda Kliwon Pegat Uwakan.

Pawos 50

Sane kamanggehang rerahinan Gumi/Agung ring Desa Adat Bangunliman, luire:

- a. Sugihan Jawa.
- b. Sugihan Bali.
- c. Galungan.
- d. Kuningan.
- e. Buda Kliwon Pagerwesi.
- f. Nyepi.
- g. Buda Kliwon Pahang.
- h. Tumpek Landep.
- i. Saraswati.
- j. Tumpek Wariga.(Tumpek Uduh)
- k. Napkala nunas ica ring sasih kelima.
- l. Pewalian ring Pura Kahyangan Tiga.
- m. Tumpek Wayang.
- n. Anggara Kliwon Prangbakat.
- o. Purnama/Tilem.
- p. Kajeng Kliwon.
- q. Tumpek krulut.
- r. Tumpek Uye (Tumpek Kandang)

S.

- s. Buda Kliwon Gumbreg.
- t. Buda Kliwon Matal.
- u. Buda Kliwon Ugu.
- v. Anggara Kasih Kulantir.
- w. Anggara kasih Julungwangi.
- x. Anggara Kasih Tambir.
- y. Anggara.Kasih Dukut.
- z. Siwa Ratri.

Pawos 51

(1) Ring soang-soang pura inucap patut kaadegang Pemangku.

Pawos 52

- (1) Ngadegang Pemangku nganutin dudonan piteket kadi ring sor: :
 - a. Ngawilang saking turunan.
 - b. Nunas pamuwus/nyanjan.
 - c. Kacatri krama Desa/Banjar.
- (2) Sinalih tunggil Pemangku - Pemangku ring Kahyangan Tiga kapiambeng, indik pamargin pangaci dados kamargiang antuk Pemangku sane tan kapiambeng.
- (3) Sajaba punika kengin taler kawentanang pasekaran sane kasudi olih Pemangku Kahyangan Tiga.

Pawos 53

Krama Desa Adat sane tan dados keanggen Pemangku, makadi :

Krama sane peceng: perot, sengkok, cungh, belang, jeriji tuna, jeriji lebih, bidug, banchi, sakit ila, buduh lan sane tiosan sane tan/kapatutan manut sastra agama.

Pawos 54

Pemangku kawusang, prade tan ngamanggehang swadarmaning Pemangku manut sastra agama saha kaiwangannya kacihnayang antuk pamutus manut pararen.

Pawos 55.

Pawos 55

Prabya kapemangkuan.

- a. Adiksa Widhi (ngawintenang), kamedalin saha kalaksananyang olih sang ngadegang, makadi Krama Desa Adat utawi pangempon pura soang-soang.
- b. Prabya palebonan Pemangku ring Kahyangan Tiga kasanggara olih Krama Desa Adat/Banjar.

Pawos 56

Swadarmaning Pemangku :

- a. Ngenterang upacara ring Kahyangan Tiga miwah pura sane keamong krama desa utawi ring soang-soang kulawarga.
- b. Nuntun krama mangde stata bhakti ring Sanghyang Widhi Wasa manut kecapin sastra Agama.
- c. Nganutin sesana minakadi :
 - 1) Tan wenang salab-sulub.
 - 2) Tan pati pikul-pikulan.
 - 3) Tan aparek ring naya dusta.
 - 4) Tan atayub ring cemara yudha.
 - 5) Tan ajejuden.
 - 6) Tan manjing ring umah wong bani ja karma.
 - 7) Ambek Dharma Cadu.
 - 8) Makadang sastra utama.
 - 9) Tan griganing wong akweh.
 - 10) Tan amangan / anginum sahanan sane ngawe wra.
- d. Yan Pemangku sampun ngayah ring pura kancit wenten krama/ kulawarganya kalayusekaran, Pemangku inucap tan kening cuntaka sake wantan tan wenang budal salami piodalan.

Palet 2
Indik Rsi Yadnya
Pawos 57

- (1) Sang pacang mapudgala patut nunas panugran ring Parisada Hindu Dharma Indonesia, taler patut masadok ring prajuru Desa Adat.
- (2) Prajuru patut nureksa, nitening mangda sulus kalih pamarginnya manut kecaping Agama, saha sareng nyaksinin pamargin upacaraannya.

(3).

- (3) Salanturnya prajuru patut nyobyahang ring Krama Desa/Banjar indik saluir pamargin sang mapudgala rawuh wates kawenangan muputang yadnya.

Pawos 58

Krama desa / banjar sane sampun madiksa / madwijati, mawinten tur ngamangkuning ring Pura Kahyangan Tiga sakuwuban Desa Adat, kaluputan saking ayah-ayahan mamatu-matu.

Palet 3
Indik Pitra Yadnya
Pawos 59

- (1) Pitra Yadnya inggih punika, sahananing upacara upakara pamratekanning sang lampus minakadi : mersihin sawa, mendem, ngeseng sawa (atiwa-tiwa), ngerorasin rawuh ngalinggihin ring parahyangan soang-soang.
- (2) Swadharmaning lan tategenang yaning wenten sinalih tunggil krama lampus:
- a. Swadharmaning sang kaduhkitan :
 - 1) Nyadokang ring. pra juru tur nunas tatimbang kawentenannya.
 - 2) Ngaturin banjar makarya eteh-ete saha kaduluran panyembrama canang sasida antuk.
 - 3) Mrayascitayang banjar risampun tigang rahina layone kapedem.
 - b. Swadharmaning prajuru lan karma :
 - 1) Maritestes pemargin kalayusekaran ring pandita pinaka siwa.
 - 2) Krama Desa patut ngarombo sehananing karya kalayusekaran.
 - 3) Makta patus manut pararen.
 - 4) Magebag ring paumahan sang kaduhkitan prade layone nginep.
 - 5) Ngerampa layone prade lintang ring jaba pura.
 - 6) Pamargin pamandeman layon ka setra mangda dabdab saha kadulurin antuk kekawin.

Pawos 60.

Pawos 60

Yaning wenten jadm ngadut manik sang kapatutan mangda ngutsahayang ngamedalang (upakara penyadak), risampun prasida medal pamendemannyane kelaksanayang manut dresta.

Pawos 61

Yaning jaga mendem sawa lintang ring adiri nemoning rahina tunggal patut sawa sane wayahang memargi rihinang.

PawoS 62

Mendem sawa miwah ngaben ring rahina tunggal patut pamendeman sawa kemargiang rihinin saha tan maupakara.

Pawos 63

Sapasira jagi mendem sawa tan kadadosan nginepang bambang ring setra.

Pawos 64

Prade lampus saking salah pati, ulah pati, kengin bakta budal pamratekania wantah abersihan, kasanggra banten pangulapan lan panebus tur kakingsanang ring setra. Sesampune asasih, pitung rahina wenang kaprateka.

Pawos 65

Rare sane durung maketus yaning padem patut kapemdem pramangkin.

Pawos 66

Yaning wenten sawa tetiga sane asiki patut karerehang padewasan rihinan, asapu - nika pemargine ritatkala ngaben.

Pawos 67.

Pawos 67

Jadma padem keni gering agung patut kapendem pramangkin yaning wenten padewasan. Yan tan wenten patut kakingsanan ring setra (kaploncorin) jantos rawuh padewasane.

Pawos 68

Jadma seda ring pakarangan anak tiosan, sang kapatutang patut mrayascita genah inucap, pecaruan sanistaniya amanca warna mesengker asasih pitung rahina.

Pawos 69

- (1) Sejawaning ring setra nenten pisan dados mendem miwah nunjel sawa sejawaning layon Pandita miwah Pinandita Kahyangan Tiga.
- (2) Tan wenang makta tanah setra ring desa pakraman ritatkala ngendag.

Pawos 70

Pemargin kelayusekaran prada wenten piodalan ring Kahyangan Tiga:

- a. Tanpa suaran kulkul (tan nedunang krama).
- b. Yaning lampus sadurunge nyanggra pewalian, polih ketusan karma abucu.
- c. Krama inucap kedadosang ngayah risampun keparisudain.
- d. Sang madrebe kelampusang keni cuntaka.

Pawos 71

Yening wenten piodalan ring Pura Kahyangan Dangka, Pemerajan utawi Sanggah Paibon, prade wenten kelayusekaran patut sang kaduhkitan nedunin krama.

Pawos 72

Panumayan atiwa-tiwa (pengabenan):

- a. Kelaksanayang ngewilang tigang warsa ngantos nem warsa.
- b. Kalaksanayang prade wenten pituduh Guru Wisesa.
- c. Kelaksanayang manut pararem prade pacang ngabon ngerit.

Pawos 73.

Pawos 73

- (1) Swadharmaning krama sane ngelaksanayang atiwa-tiwa :
- Mesadok ring prajuru indik pemargine.
 - Ngemargiyang pemacah lanang wantah apisan.
 - Pemacah istri kemargiang manut genah keketusang.
 - Prade mekarya wadah patut keni ajengan penyandang manut pararem.
- (2) Swadharmaning prajuru lan karma :
- Prajuru nyasahang indik pemargin atiwa-tiwa yan sampun wenten panemayane marep ring krama.
 - Prajuru ngenteran pariindik pemargin atiwa-tiwa.
 - Krama patut ngarombo sehananing karya inucap turmaning prajuru lan Pemangku patut ngemargiang swadharmanya soang-soang.
 - Krama keni patus manut pararem.
 - Krama keni patus kaketusan manut pararen.
 - Krama patut mapidabdab mangda pamargin sawa utawi pamratekannya nganutin kacaping Agama tan dados ngantos magebur.

Pawos 74

Krama sane mapranawa (atiwa-tiwa) nenten nuur anak lingsir patut keni kakercen siki pah tiga ring sane nuur.

Pawos 75

Pamargin atiwa-tiwa mantuk ring rare sane sampun katus untu, patut keabenan ngelungah.

Pawos 76

Krama sane magenah utawi mekarya ring dura desa risampun kaketusan karma ring panemayan atiwa-tiwa, prade tan prasida ngerawuhin dados ngewakilan.

Pawos 77

Prade wenten ngewangun ring Pura Kahyangan Tiga tan kadadosan atiwa-tiwa sejawanin wenten Pemangku Kahyangan Tiga utawi Sang Sulinggih sane lebar.

Pawos 78.

Pawos 78

- (1) Tan kadadosan ngalaksanayang upacara atiwa-tiwa ring soang-soang puri Utawi paumahan.
- (2) Prade wenten krama lampus ring panemayan atiwa tiwa, yaning pacang keabenang patut sehananing upakarannyane kelaksanayang ring puri utawi paumahan.
- (3) Makingsan ring geni kadadosang yaning krama Desa jaga ngelaksanayang upacara atiwa-tiwa.

Pawos 79

Indik kacuntakan luire :

- a. Cuntaka kelayusekaran :
 - 1) Kulawarga ring sajeroning pakarangan, asasih pitung rahina.
 - 2) Kulawarga pedadyan, roras rahina.
 - 3) Krama Desa, tigang rahina.
- b. Cuntaka atiwa-tiwa:
 - 1) Sang ngarepin, kecantukan ngawit saking nanceb ngantos upacara pecaruan ring soang-soang puri.
 - 2) Krama Desa Kecuntakan ngawit saking nanceb ngantos upacara pecaruan ring setra pakingsan lan setra pangarep.
 - 3) Prabya pecaruan kesanggra antuk krama sane ngelaksanayang atiwa-tiwa.
- c. Cuntaka ngeraja swala, tigang rahina ngawit saking ngeraja swala utawi sasu - wen ngeraja swala.
- d. Cuntaka putra embas lan karuron, asasih pitung rahine.
- e. Cuntaka Sad Attatayi, cuntakannya ngantos sampun maprayascita raga tur nenten pisan dados ngemungahang upacara padwi jatian.

Palet 4

Indik Manusa Yadnya

Pawos 80

- (1) Manusa Yadnya inggih punika yadnya dharmaning manusa ngawit saking patemon purusa - pradana mewastu patemon kama petak lan kama bang sajeroning garba utawi panumaya.
- (2) Lanturang upacarannya, sekadi ring sor :
 - a. Upacara magedong-gedongan, duk ngarempini.
 - b. Upacara duk kamarekane wawu embas.
 - c. Upacara kepus udel.
 - d. Upacara roras rahina

e.

- e. Upacara tutug akambuhan (rarene mayusa asasih pitung rahina)
 - f. Upacara tigang sasihan (nyambutin).
 - g. Upacara ngotonin.
 - h. Upacara munggah deha utawi ngeraja swala.
 - i. Upacara mepandes utawi metatah.
 - j. Upacara pawiwahan.
 - k. Upacara pawintenan.
- (3) Pemargin upacarannya kelaksanayang : nista, madya, utama manut sastra Agama.

Palet 5
Indik Bhuta Yadnya
Pawos 81

- (1) Bhuta Yadnya inggih punika : yadnya pabyakalan ring sinanggeh Bhuta Kala manut sastra Agama, minakadi upacara ring sarwa prani, ring ibu pertiwi mwah ring natar Kahyangan (masapuh-sapuh).
- (2) Upacara ring sarwa prani miwah piranti, minakadi :
- a. Tumpek Uduh (Timpek Pengatag).
 - b. Tumpek Kandang (Tumpek Uye).
 - c. Tumpek Kuningan.
 - d. Tumpek Krulut.
 - e. Tumpek Wayang.
 - f. Upacara Pabyakalan.
- (3) Upacara pabyakalan ring pertiwi utawi ring palemahan kahyangan sane kewastaning mecaru kelaksanayang nista, madya, utama luire:
- a. Eka Sata.
 - b. Panca Sata.
 - c. Panca Kelud.
 - d. Panca Sanak.
 - e. Resi Gana.
 - f. Tawur Kesanga.
- (4) Tios punika wenten taler pangupakaran minakadi :
- a. Mesapuh rikala pacang ngelaksanayang pewalian.
 - b. Ngelaksanayang yadnya sesa.

Pawos 82.

Pawos 82

Upacara Taur Kesanga kemargiang manut dresta inggih punika :

- a. Majeng ring Ida Batara, krama desane kepatutang :
 - 1) Nyejerang Ida Batara ring Pura Desa.
 - 2) Melasti utawi mekiyis ka segara.
- b. Upacara Tawur Kesanga, komargiang manut pituduh Parisadha lan paruman desa tur pemargin pecaruane sekadi ring sor :
 - 1) Ring soang-soang puri utawi sanggah patut ngaturang: peras ajuman, daksina, tipat kelanan, canang lenga wangi burat wangi, nunas tirta turmaning bija.
 - 2) Ring natar sanggah utawi pamerajan, ngaturang : segahan nasi cacah 108 tanding, maulam jajeron matah, ngayat sang Bhuta Kala lan Sang Kala Raja.
 - 3) Ring lebuwuh : ngaturang suci sesayut pengambyan asoroh.
 - 4) Ring banjar, pecaruane sanistannya Panca Sata saha pailen-ilennya.

Pawos 83

- (1) Krama desa patut masesana sakadi ring sor rikala rahina penyepian :
 - a. Ngelaksanayang Yoga Semadi.
 - b. Sajeroning Palemahan, ngelaksanayang: Amati geni, Amati karya, Amati lelungan, Amati lelungan.
- (2) Bratha Panyepian kamargiang arahina ngawit semeng ngantos semeng rahina benjangne.
- (3) Sang mamurug ring kecaping ajeng kedanda geng artha manut pararem.

Pawos 84

- (1) Sane kaluputang saking pamidanda panyepian :
 - a. Sang madruwe anak alit mwah kasungkakan kadadosan masuar.
 - b. Sang madruwe kasungkakan kadadosang medal matamba, nanging kacihnayang antuk ilikita saking Bandasa Adat.
- (2) Sajeroning Panyepian prada Wenten upacara yadnya, luput saking pamidanda risampune :
 - a. Nunas panugrahan ring prajuru desa.
 - b. Kamargiang sekantune rahina.

Pawos 85.

Pawos 85

Rikala Panyepian pamarging kaenter olih prajuru saha kesanggra olih pacalang.

Pawos 86

Swadharmaning prajuru lan pecalang :

- a. Nureksain prade wenten mamurug katreptian Panyepian.
- b. Mawosin tur niwakin pamutus anut kaiwangan sang mamurug.

Pawos 87

Benjangne ring penanggal ping kalih sasih kedasa kewastanin Ngembak Geni, soang-soang krama mangde ngaturang prani. Rahina punika mapiteges Panglukatan utawi Panglebar Bratha Semadi. Krama Desa kapatutang nunas pangaksama (Dharma Canthi) ring kadangnya, makacihna pengawit Icaka Warsa.

SARGA V
SUKERTA TATA PAWONGAN
Palet.1
Indik Pawiwahan
Pawos 88

- (1) Pawiwahan inggih punika patemonin parusa lan pradana malarapan antuk kayun suka lila, maduluran upasaksi sakala niskala.
- (2) Pamargin pawiwahan, luire:
 - a. Pepadikan, kamenggala antuk pakrunan rihinan.
 - b. Ngerorod utawi merangkat, ngerorod dumun wawu kakrunayang.
 - c. Nyeburin.
- (3) Pidadab sang pacang mawiwaha
 - a. Lanang wyadin istri sampun munggah deha teruna (prasida nganutin undang-undang sang ngawiwenang).
 - b. Sangkanin pada lila utawi tan pepaksaan.
 - c. Manut kecaping agama utawi tan gamia gamana.
 - d. Kasudi Wadhani, prade pangambile tios agama.
 - e. Kapatiwangi, prade penganbile singgihang wangsa.
- (4) Pawiwahan inucap taler nganutin undang undang sang sane ngawiwenang

(5).

- (5) Sang amurug pawiwahan punika kasinanggeh tan sah, tur patut kapalasang, keni pamidanda manut pararem.

Pawos 89

- (1) Pamargin pawiwahan sane kasinanggeh patut :
- Ngalaksanayang pawidhi widhanan senistannya pabyakalan.
 - Kasaksinin antuk Dulun/prajuru Desa.
 - Kailikitayang ring sang ngawiwenang.
- (2) Pawiwahan sane kabawos tan patut :
- Natab banten sangkaning pepaksaan.
 - Tan wenten saksi miwah pailikitannya.
 - Gamia gamana.

Prade wenten ngamargiang pawiwahan asapunika, patut kapalasang semalih patut keni pamarisudhan desa.

Pawos 90

Tata caraning pawiwahan :

- Sapesira ugi pacang ngawarangan, pakulawargan patut masadok ring prajuru tigang rahina rihinan, sane pacang maritetes paimdikan pawiwahannyane.
- Parorodan patut kemargiang :
 - Reraman sang purusa ngewentenan pamilaku utawi duta, seakehnya kalih dir,i tan kengin kasep ring rahina se jawaning ngambil ngelangkungin segara.
 - Duta inucap patut sakeng pakulawargan Purusa.
 - Prade tan wenten pamilaku, kulawargan sang wadon, patut masadok ring prajuru sane pacang sareng netes pamargine.
- Pamargin pangelukuan patut :
 - Kamanggala antuk geng rna sinampura marep reraman sang wadon.
 - Prade pangelukuane tan katerima, patut kelanturin jantos ping tiga.
 - Kaiguman ring pewarisan arep ring pasuakan reraman sang ngidih, saha dewasa pawiwahannyane.

Pawos 91.....

Pawos 91

- (1) Piteges pawiwahane patut sang lanang merabi adiri, asapunike sewaliknya.
- (2) Prade ulaku lokika sanggraha, sang mobotan wadone patut nyakapan saha pawidiwidanannya.
- (3) Prade wenten drati krama, paradara, amitra ngalang sane kabawos nye - mering jagat, wenang kasisipin pamidanda pamarisudhan jagat.

Palet 2
Indik Nyapian
Pawos 92

- (1) Palas marabian wenten kalih pawos, inggih punika : sangkaning pada lila miwah mawiwit wicara.
Makacihna tan tumus sukacitaning panunggalang idep sang alakirabi, mateges nyapian.
- (2) Pawiwahan prasida kawusan malarapan antuk palas marabi utawi kapademan.
Wusan marabian riantukan salah sinunggil seda, mapiteges balu, minakadi balu lanang utawi istri.
- (3) Tata Caraning Palas Merabian :
 - a. Patut atur supeksa ring Dulun Desa turmaning kaputusing antuk paruman Desa.
 - b. Prade pamutus Desa tan katerima, wicaranya dados kalanturang ring sang ngawewenang.
 - c. Prade pamutus pateh sakadi kaicen Desane, patut kadanda artha manut pararem.
 - d. Palas marabian sangkaning pada lila, patut nawur prabya upasaksi suwang-suwang pada atenga.
 - e. Paguna kayan polih pahan pada.
 - f. Pabekel, tatadan suwang-suwang kakuasa niri-niri miwah warisan kakuasa antuk purusa.
 - g. Ngaweruhin miwah ngupejiwen pratisentana manut swadharmaning Guru Rupaka.
 - h. Nawur pamidanda manut pararem.
 - i. Ngelung Jinah anut logika Dulun Desa.

Pawos 93.

Pawos 93

Sulur palas merabian :

- a. Matilar tan pasadok jantos nem sasih saha tan ngicenin pangupa jiwa marep ring istrine
- b. Istrine paradara
- c. Lanangne drati krama
- d. Wangdu utawi bekung
- e. Tan praside adung malih

Pawos 94

Warga Krama Desa sane sampun marabian tur rabine keambil antuk jadma lian, kepatutang nunas pamatut ring sang ngawewenang.

Pawos 95

Tan kapatutan ngamudalan rabine sajeroning sungkan, nanging dados makingsan ring kulawarga istri utawi kari sawengku ring rabine. Sang amurung keni pamidanda manut pararem.

Pawos 96

Prade sang palas marabi adung malih patut ngalaksanayang upacara pawiwahan tur keni penuku manut pararem.

Pawos 97

- (1) Yaning wenten anak istri mobot tan wenten anak ngangkenin mangda masadok ring prajuru.
Prade sang istri sampun ngangkenin salah sinunggil tur ngambil nentan kasumpahang.
- (2) Yaning sang istri sampun ngangkenin salah sinunggil tur sane keangkanin tan ngangkenin, patut sane ngangkenin wiadin sane keangkanin mesumpah ring Kahyangan Tiga.
- (3) Yaning wenten jadma istri mobot tan wenten anak ngangkenin, prade anak alit punika embas patut kaupakaren tur keni pamrayascita jagat saha reramane te - dun makrama.

Pawos 98.

Pawos 98

1. Jadma sane kabawos ngungkung inggih punika mamitra utawi masanggama jenek lintang ring tigang sasih, ngambil kekaryan sedina dina turmaning paguna-kayannyane dados asiki
2. Jadma ngungkung tan dados ke Kahyangan Tiga tur papesonyane kaprayascita.
3. Jadma ngungkung patut tedun sekadi Krama Desa.

Pawos 99

Yaning wenten Krama Desa Adat majangkepan, sadurung kaupasaksi Nista, Madya, Utama nenten dados ka Pura Kahyangan Tiga.

Pawos 100

1. Soang-soang balu manut pawongannya kabinayang dados :
 - a. Balu luh wit sangkaning sentana rajeg muwah boya sentana rajeg.
 - b. Balu muani kapurusan miwah balu muani nyeburin.
2. Swadharmaning Balu:
 - a. Ngawisesa waris, paguna kayan, tan kuasa ngadol utawi mekidihin sajeroning durung polih pamutus paigum sakeng sang patut ngawaris.
 - b. Prade balu inucap ngangkat sentana kadadosang , yan sadurung sinalih tunggil seda, sampun wenten pidabdab tur kaigumin kulawarga purusa.
 - c. Ngamanggehin pati brata.tur tan dados ngamargiang para dara utawi Drati Krama.

Pawos 101

1. Balu Luh tan pageh luire :
 - a. Matilar sakeng Jero Pakubonan tan pasadok sajeroning tigang sasih.
 - b. Lempas ring swadharmaning Balu, tan sida ngentosin parisolah majeng ring warga pecak rabine, tur kulawargan kapurusa rabine.
2. Prade Balu inucap pageh nganutin swadharmanya, katundung antuk sentananya utawi kulawargan kapurusa, balu inucap patut polih pah-pahan paguna kayan sana lanang ategen sana istri asuwun,
3. Balu sane tan pageh tan polih pah-pahan.

Palet 3.

Palet 3
Indik Sentana

Pawos 102

1. Mungguing sentana wenten kalih soroh inggih punika :
 - a. Prati sentana wiadin sentana rajeg.
 - b. Sentana Peperasan.
2. Prati sentane inggih punika : sentane sane metu sakeng pawiwahane sane kabawos patut.
Sentana Peperasan inggih punika : sentana antuk upasaksi sekala niskala prade pawiwahane tan ngewetuang sentana.
3. Yan wenten pawiwahan tan ngewetuang sentana dados meras sentane sakewanten mangda kaigumin ring kulawargan pasemeton dadya.

Pawos 103

1. Sang pacang ngangkat sentana patut atur supeksa ring dulun desa sanistanya tigang sasih sadurung kamargiang upacara pamerasan.
2. Prajuru patut nyiaran ring wewidangan Desa.
3. Prajuru digelis maosin tur ngicenin pamutus mungguing dados tan dados pamerasan inucap kamargiang.

Pawos 104

1. Pamargin pamerasan sentana sane kamanggeh patut.:
 - a. Wenten upacara pawidiwidanan pamerasan.
 - b. Kasaksinin antuk Dulun Desa, Klian Banjar tur kasiaran ring paruman Desa.
 - c. Polih ilikita sakeng pengadilan negeri.
2. Sane patut kaperas angggen sentana :
 - a. Jadma agama Hindu.
 - b. Peperanian sakeng Purusa sang meras.
 - c. Yan tan wenten kengin sakeng wadon, padadyan utawi sakita karep

Palet 4.

Palet 4
Indik Warisan
Pawos 105

1. Warisan inggih punika tatamian artha brana saha ayah - ayahan ngupadi sukerta sekala - niskala sakeng kaluhurannya marep ring turunannya.
2. Kasinanggeh Warisan Luire :
 - a. Duwe tengah, minakadi : Tegal ayahan Desa, Kahyangan, Carik lan Siwa Krana miwah sane lianan.
 - b. Pamerajan Kemulan.
 - c. Paguna kayan, tatadan jiwa dana, utang - piutang.
3. Kengin kabawos warisan prade wenten:
 - a. Sang mapiturun (Pewaris).
 - b. Keturunan (Ahli Waris).
 - c. Artha brana miwah tategenan makacihna warisan.

Pawos 106

1. Keturunan (Ahli Waris , luire :
 - a. Prati Sentana Purusa.
 - b. Prati Sentana Pradana.
 - c. Sentana Peperasan Lanang wiadin Wadon.
2. Prade tan wenten sekadi kabawos ring ajeng, sane sinanggeh ahli waris minakadi :
 - a. Turunan purusa pernah ngunggahang (Rerama misan mindon).
 - b. Turunan purusa pernah kesamping (Keponakan misan mindon)

Pawos 107

Swadharmaning Ahli Waris:

- a. Narima saha nguasayang tetamian sakeng kaluhurannya, minakadi ngerempon Sanggah utawi pemerajan, Pura saha pangupacaranya mwah nyelidiin ayahan pewaris.
- b. Ngabenin pewaris saha ngelanturan upacara pitra yadnyane.
- c. Nawurin sahanan utang pewaris manut pangelokika.

Pawos 108

Pangepahan Warisan :

- a. Kamargiang risampune kalaksanayang sahanan upacaraning Pitra Yadnya lan utang-utang pewaris buntas katawur.

b.....

- b. Para ahli waris polih pah-pahan pada sangkaning pagunakayan. sejawaning karang utawi tegal ayahan Desa kaamong ahli waris sang kasinanggeh krama pangarep.
- c. Sinalih tunggil ahli waris tan polih pah- pahan, prade:
 - 1) Nilar kawitan lan sesana Agama.
 - 2) Alpaka guru rupaka.
 - 3) Sentana rajeg utawi Prati Sentana sane ninggal kadaton.
- d. Boya ahli waris kengin muponin pikolih pagunakayan manut dudonan :
 - 1) Santana Luh, salami dereng mawiwaha utawi alpaka guru, yan prade madreba pianak tan keangkenin antuk wong tua rare inucap.
 - 2) Balu Luh wiadin Muani nyeburin (soang-soang boya sentana).
 - 3) Mulih Deha Teruna riantukan ring pawiwahane pecak kabawos ninggal kadaton.
- e. Pewaris kengin maweweh rikala maurip pinaka jiwa dana, tatadan, makecihna paweweh netep ring pianak sane kesah mawiwaha.

Pawos 109

Prade sajeroning pakulawargan wenten ahli waris langkungan ring adiri pamargine patut :

- a. Ngawentenan paigum pariindik pah-pahan waris inucap.
- b. Katunasan tetimbangan ring Dulun/Prajuru Desa
- c. Prade tan wentan cumpu ring panepas Dulun/ Prajuru Desa, mangda katunasan panepas ring sang rumawos (Pengadilan Negeri).

SARGA VI WICARA LAN PAMIDANDA Palet 1 Indik Wicara Pawos 110

1. Sane wenang mawosin mekadi mutusang wicara ring Desa Adat inggih punika Dulun/Prajuru Desa Adat sane kasinanggeh Kertha Desa.
2. Prade sang mawicara tan wenten cumpu ring pamutus Kertha Desa, kengin nunasang wicara inucap ring sang rumawos.

Pawos 111.

Pawos 111

1. Sahanan wicara mawiwit kacorahan sakaluire sinanggeh nungkasing daging Awig awig, miwah pararem Desa Adat, Prajuru patut digelis mawosin mangda tan nyantosang pasadok.
2. Sejaba wicara sekadi ring ajeng, patut nyantosang pasadok sang nunas bawos.
3. Panepase patut pastika nyantenang iwang patut malarapanTri Pramana (saksi, ilikita lan bukti) miwah tan lempas ring Catur Dresta.

Palet 2

Indik Pamidanda

Pawos 112

1. Desa Adat/Banjar wenang niwakan pamidanda ring warga/karma Desa sane sisip.
2. Paniwak inucap kalaksanayang olih Bandesa Adat utawi Kelian Banjar.
3. Bacakan pamidanda, luire :
 - a. Danda Artha (dosa, danda saha panikel).
 - b. Kedaut karang ayahannya.
 - c. Kanorayang.
 - d. Panyangaskara.
4. Pamidanda sane katiwakang patut masor singgih, manut ring kasisipannya.
5. Jinah utawi raja brana pamidanda ngeranjing dados druwen Desa Adat / Banjar.

Pawos 113

1. Panikelan kamargiang, prade Krama Desa Adat tan prasida nawur utang ring pakraman manut panumayannya.
2. Yaning krama sane nikel prade tan nawur panikel langkung saking tigang sasih wenang karampag.
3. Rerampagan nganggen tata cara sekadi ring sor :
 - a. Kalaksanayang olih Dulun/prajuru Desa kasarengin antuk krama seakehnia tigang diri pinaka saksi.
 - b. Sang ngarampag sangkaning darsana ngambil barang utawi nyawening tanem tuwuh, akehnia manut ring utang sang karampag.
 - c. Dulun/prajuru Desa miteketang, mangda barang - barang sane karampag digelis katebus masengker sajeroning limolas rahina.

4.

4. Tan kapatutang ngerampag saluirin barang sane patut kasuciang manut Agama miwah mademang pangupajiwan sang karampag.

Pawos 114

1. Prade sang karampag ngalangin palaksana inucap mawastu sampun tan nganutin Awig-Awig Desa Adat Bangunliman, wenang karang desa sane kagenahin kadaut antuk Desa Adat.
2. Samaliha yaning purun taler ngalangin palaksana kadi ring ajeng , tan wenten pamargi malih, sajawaning kasepe kang olih krama Desa adate.
3. Pamidanda inucap ring ajeng keni buntas risampun sang kakenenin :
 - a. Nunas geng pengampura ring krama Desa Adat riantukan nguwak pasubaya (Pararem pecak)
 - b. Nawur pengangan panguwak pasubayane duk pacang karampag, kadulurin prayascita panyapsap kaiwangane ring Desa.

SARGA VII
NGUWAH-NGUWUHIN AWIG-AWIG
Pawos 115

1. Nguwah-nguwuhin Awig-Awig punika patut kalaksanayang manut pararem Dasa Adat.
2. Pararem inucap patut malarapan kayun gilik saguluk.
3. Pamutus kabawos puput yan polih pasungkem saking krama Desa Adat

SARGA VIII
PAMUPUT
Pawos 116

1. Awig -Awig puniki kawastaning Awig - awig Desa Adat Bangunliman.
2. Awig Awig puniki kemargiang ngawit kararemin.

Pawos 117

1. Sakaluirin sane wenten sadurungnya patut keanutang ring sadaging Awig - Awig puniki.
2. Sakeluirin sane durung kabawos ring sajeroning awig - awig puniki patut kalaksanayang manut sekadi sane sampun ketah memargi kadulurin antuk pararem - pararem.

Pawos 118.

Pawos 118

1. Awig-awig puniki kararemin ring paruman Krama Desa Adat Bangunliman duk rahina Buda Kliwon Ugu, sasih Kelima, tanggal 28 Oktober 1992.
2. Awig-awig puniki kalingga tanganin olih Prajuru Desa Adat lan para Nayaka Praja pinaka saksi.
3. Luir sang ngalinggatanganin :
 - a. Prajuru Adat Desa Bangunliman :

1. Bandesa Adat Bangunliman

(I Gusti Ngurah Made Kantor)

2. Penyarikan

3. Penyarikan

(I Made Suara)

(I Gusti Ketut Raka)

b. Prajuru/Dinas, pinaka saksi:

1. Klian Dinas Banjar/Dusun
Bangunliman

2. Prebekel Desa Buruan

(I Wayan Pasek)

(I Dewa Gede Raka)

3. Camat Blahbatuh

I Dewa Putu Pariwesa
Pangkat :
NIP : 600 004 825

MENGETAHUI DAN TELAH DICATATKAN
PADA TANGGAL : 19 Pebruari 1993
NOMOR : 3 TAHUN 1993

BUPATI KEPALA DAERAH TINGKAT II GIANJAR

TTD

TJOKORDA RAKA DHERANA, SH.

DUDONAN PRAWARTAKA PANYURATAN AWIG - AWIG
DESA ADAT BANGUNLIMAN

1. Pangayom : I Gusti Ngurah Made Kantor (Bandesa Adat).
2. Klian : I Wayan Pasek.
3. Pangliman : I Gusti Ngurah Natih Suarthika.
4. Panyarikan I : I Gusti Putu Putra.
Panyarikan II : I Ketut Patut.
5. Patengen I : I Gusti Ketut Raka.
Patengen II : I Made Suara.

6. WIDANG PAKRAMAN :

- a. I Gusti Putu Ngurah Rawan.
- b. I Wayan Raji.
- c. I Wayan Setor.
- d. I Made Jajar.
- e. I Gusti Made Narka.
- f. I Made Nomer.
- g. I Nyoman Bujana.

7. WIDANG AGAMA :

- a. I Wayan Paksa.
- b. I Made Wisma.
- c. I Wayan Nesa.
- d. I Made Arjana.
- e. I Ketut Anggur.
- f. Ni Gusti Ketut Sidemen.
- g. Gusti Ayu Purwati.

8. WIDANG PAWONGAN :

- a. I Gusti Putu Kantor.
- b. I Gusti Ngurah Ketut Balik.
- c. I Made Kerta.
- d. I Nyoman Mandra.
- e. Ni Made Wati.
- f. Ni Ketut Godri.